

Guangjisi Minzcu Bau

ganhhau: CN45-0036 B.2016 Nd.3 Ng.23 liggaeuq bingjsaen nienz ndwenngaih cibhaj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3216期

Guengjsae Gaenxmaenx Onjdangq Haiguh Cuengh Gun Song Saw Vah Gyauyuz 广西积极稳妥开展壮汉双语教育

Bi 2015, Guengjsae gaenxmaenx onjdangq haiguh Cuengh Gun song saw vah gyauyuz.

It dwg laebdaeb gyagiengz Cuengh Gun song saw vah lauxsae gungganq beizyin. Doenggyaq “dingh-yiengq gungganq” vunqsik, ciuloeg caeuq gungganq 80 baux Cuengh Gun song saw vah swfhanswngh mbouj aeu cienz. Doenggyaq caiciz gungganq, gaenriz gungganq nem banh gak cungj song saw vah beizyinbanh 16 aen, gungh gungganq, beizyin song saw vah sonhag lauxsae mizmingz, guzgan lauxsae caeuq gyauyenzyenz 1600 lai vunzbaez. Hengzguh “beizyin + yozliz” vunqsik beizyin hanghmoeg, 2013 gaep yozyenz miz 150 baux swnhleih bizyez aeu ndaej bwnjgoh vwnzbingz, ndawde 42 baux aeu ndaej yozsw yozvei. Yungh gij fuengsik “soengq son daengz yienh”, faen buek baij lauxhangz bae daengz mizgven yienh(gih) haiguh ciendaez beizyin, gungh beizyin song saw vah yozcen

lauxsae 224 baux.

Ngeih dwg gaem ndei hong biensaemj Cuengh Gun song saw vah sawsonhag. Beizyin song saw vah sawsonhag bouxbien bouxsij bouxhoiz 45 baux, cujciz bien sij hoiz caeuq coihdingh Cuengh Gun song saw vah sawsonhag 19 cungj, bonjlienhu 19 cungj, sawrogdangz 10 cungj, cujciz lauxhangz saemjcaz Cuengh Gun song saw vah sawsonhag caeuq sawrogdangz 55 cungj. Linghvaih, guhsat gij hong《Hagseng Cuengh Gun Sawloih》satsaemj, caeuq《Gauhcuengh Sawcuengh Senjsiuhgo Sawsonhag》dungigauj daengi.

Sam dwg yawjnaek haiguh Cuengh Gun song saw vah gyauyenz hozdung. Youq Vanzgyangh Mauz-nanzcu Swciyen, Sangsw Yeh banh Cuengh Gun song saw vah gyauyenz hozdung, miz 233 baux camgya, cungdenj doiq Cuengh Gun song saw vah sonhag fuengfap caeuq soujduenh, biucinj Vahcuengh sonhag caeuq

vahdeihfueng bangbouj sonhag daengj fuengmienh guh yenzdauj. Banh gaiq daihngaih daengx gih siujhagseng biucinj Vahcuengh dungxcaiz biuj-yienj doxdax, gungh 33 aen yienh(si, gih) 158 baux siujhagseng camgya baez doxdax neix. Cujciz daengx gih Cuengh Gun song saw vah siujyoz sam, roek nienzgaep hagseng guh Vahcuengh Sawcuengh suijsingz dagsawq, camgya dagsawq miz 9500 baux hagseng.

Seiq dwg laebdaeb hengzguh hong minzcu song saw vah hagdangz den'gyau vahyaem sonhag sezbei hanghmoeg, roengz hanghmoeg cienz-ngaenz 240 fanh maenz, haeucoengh 16 aen minzcu song saw vah hagdangz gaijndei sonhag diuzgienh, lienhab Guengjsae Den'gyaugvanj guh ndei hong ciubiu dajcawx caeuq guenleix sawjyungh song saw vah hagdangz den'gyau vahyaem sonhag yizgi sezbei.

(Swcigih Minzveij Vangj)

Lungzlinz Laebbaenz Boux- cuengh Betyaem Naengh- ciengq Son Hag Gihdi 隆林壮族八音坐唱传习基地成立

3 nyied 19 hauh, Lungzlinz Gak Cuz Swciyen Cangyozvei youq aen yienh neix Sinhcouh Cin Nizlang laebbaenz betyaem naenghciegq soncienz hagsib gihdi, caemhcai banh biengibaiz yizsi. Laebbaenz soncienz hagsib gihdi muzdiz dwg fatyienz caeuq swnjcienz Bouxcuengh betyaem naenghciegq giyi, vih Lungzlinz Bouxcuengh vwnzva swnjcienz hwngfat daezhawj bauj-cang. Ndaw doz dwg betyaem naenghciegq biujyienj.

(Yangz Dwnglienz/杨登良)

Dwzbauj Yen Vahcuengh Densi Lanzmoeg Ndaej Daengz Vunzlai Haengjgyaez 德保县近 30 万群众收看壮语电视栏目

Vih swnjcienz caeuq fatyienz minzcu vwnzva, daj 2014 nienz 7 nyied hainduj, Dwzbauj Yen hailaeb le《Sinhvwnz Vahcuengh Dwzbauj》caeuq《Gojgaeq Byayinzsanh》song aen Vahcuengh densi lanzmoeg, yungh cungj Vahcuengh feihdauh nyuenz miz neix boq sinhvwnz, gangj gojgaeq. Ciuq doengjgeiq, daengz 2016 nienz 2 nyied, gungh cuengqok《Sinhvwnz Vahcuengh Dwzbauj》433 geiz,《Gojgaeq Byayinzsanh》89 geiz,

daengx yienh 12 aen yanghcin ca mbouj geijlai 30 fanh dangdieg saujsu minzcu yawj le aen densi lanzmoeg neix, ndaej daengz vunzlai haengjgyaez.

Daj haibanh aen lanzmoeg neix daeuq, Dwzbauj Yen giendingh gij yenzcwz “depgaenh saedsaeh, depgaenh saedceij, depgaenh vunzlai”, mboujduenh daezsang Vahcuengh densi cezmu z cizlieng, hawj Vahcuengh densi cezmu baenz aen

congheug youqgaenj dangdieg vunzlai roxyiuj caeuq senhconz cwngcwz guekgya he, hawj gij naengzliengh ndei nem singyaem ndei dangj caeuq cwngfuj cienzboq daengz Mbanjcuengh gak mbanj, mboujdan mizleih doidoengh haiguh cwngfuj gak hangh hong cungsim, doengzseiz hix fungfouq le vwnzva saedceij saujsu minzcu vunzlai.

(Nungz Yungjfang/农永放)

SIUSIK DINJ

简 讯

● Seizcin dajndaem daengz lo, Lungzswng Gak Cuz Swciyen sonyinx daengxgyoengq dangj-yenz ganbu haeuj mbanj haeuj ranz bae daengz gyang reih gyang naz, haenqrengz senhconz Cunghyangh it hauh vwnzgen cingsaenz caeuq gak hangh ak nungz leih nungz cwngcwz dangj raeuz, sonyinx nungzhoh guh seizcin dajndaem swngchcanj.

(Veiz Gizyangz)

● Mboengqneix, Bingzgoj Yen dingh ok le bi 2016 “sam nyied sam” hozdung fueng' anq, giethab bonjdieg saujsu minzcu fungsug caeuq minzcu vwnzva daegdiemj, dingh' ok le gak cungj hingzsiq angqho ngoenzciot hozdung, roengzrengz aeu “sam nyied sam” hozdung banh' ok daegsaek, banh' ok cingbinj.

(Lij Gyanghlanz)

● 3 nyied 16 hauh, Nanz-danh Yen Bazhih Yauzcuz Yang Fulenz leihyungh ngoenzhaw haiguh《Fap Fanj Gyaranz Bauqlig》senhconz hozdung, gyauyuz sonyinx vunz ndawranz aeueiq fap, hag fap, souj fap, roengzrengz caux gij heiqaenh ndawbiengz ndei “bouxbox rox faplwd, hohhoh gangj vwnz-mingz, ranzranz caux huzndei”.

(Moz Gijcauh Mungz Gveidanh)

● Mboengqneix, Lozcwngz Gunghden Gunghsw cujciz bouxgagnyienh bouxcoz cizgungh bae daengz Sanghcai Siujyoz haiguh “hauxseng bangcoengh, dou cingq hengzdoengh” gapdoiq bangcoengh hozdung, soengq lanzgiuz, saw nem daehsaw daengj hagsib doxgaiq hawj hagdangz caeuq gyoengq siujhagseng mbouj aeu cienz, hawj gyoengq siujhagseng roxyiuj daengz gij raeuj ndawbiengz.

(Liu Gvanghfuz Veiz Yungzhan)

● Mboengqneix, Vanz-gyangh Mauznanzcu Swciyen Minzcu Cunghyoz banh gaiq daih' it ciet yisuz vwnzva minzcu. Aen ciet neix neiyungz miz minzcu ndangdaenj baijyienj, minzcu gofoux vwnzyi vanjvei caeuq minzcu diyyuz hanghmoeg doxdax daengj hingzsiq lai cungj lai yiengh. Muzdiz dwg caenh-itbough swnjcienz minzcu conzdungj, fatyienz minzcu vwnzva caeuq minzcu doxgieng cingsaenz.

(Danz Su' myauz)